

秋水閣雜著

秋水閣雜著

雜著

賦

以仁安人以義正我賦

以題爲韻

聖天子化洽埏埴道隆綱紀肌淪浹而恩周學緝熙而
敬止如天之覆徵仁壽以咸符應地之貞統古今
而立軌優柔乎仁義之域斯能往有攸宜渾涵於
人我之間何自觀其所以原夫制事惟義首善爲

仁既體物而咸在亦推行之盡神理實該於衆有
功貴積於一身負陰抱陽是曰立人之道本體致
用斯瞻與物爲春爾乃功修自勵才智胥殫復非
一日應可萬端小心翼翼文思安安靜廓靈臺伊
有私之必克宏開正路戛獨造以無難於焉化行
自近澤洽無垠餘恩周乎庶類大利溥於生民無
一事之不得其所無一時之不飲其醇此如鑿井
畊田帝力長誥於世世譬若春風夏雨天膏實被
於人人至於植規矩以視躬妙化裁而度事化偏

黨於情田合準繩於禮器一言一動浩浩長存何
慮何思憧憧不累粹然具生色之徵如矢有周行
之地此則正一己以正萬民者尤貴立範圍而精
義也是以人仰而咸歸德充而愈盛敷元善而各
遂其生嚴制防而獨植其性道先乎立極乘乾柄
操乎大中至正廓然無外悠也久也配于天浩乎
無營性焉安焉之謂聖使其私意未忘大閑或左
固難語於安人亦何因而得我是惟推心以極漸
摩持已而銷偏頗近不遺而遠不禦總屬彌綸措

則正而施則行全無叢脞欽惟我

皇上道握天樞法昭矩度配天地以無疆奠清寧而永
固仁至義盡萬邦胥仰昭蘇表正形端百辟咸歸
陶鑄慚窺管以無能敬揮毫而作賦

碧山賦

以李太白讀書處爲韻

溯開寶之初年有隴西之奇士系分天潢家多賜
書夢應星精神凝秋水文稱雄帥夜生筆上之花
人是謫仙幼識道旁之李居近相如之市自獨擅
夫風流來遊鄖子之邦遂於茲而至止陪尾斜臨
漳潁作帶洞號飛仙城通下蔡兩岑東抱邈若羅
浮一嶂西橫勢如華蓋人聲相隔來幽夢於雲牕
猿背多連掬清泉於石瀨長林樹雜影搖落照之
光芳草春深青染遙峰之靄每因夜月橫飛鸚鵡

之杯不爲秋風長憶鱸魚之膾笑窮途之阮籍未
解三生學清嘯之孫登寄懷五太爰居桃花之巖
永謝霜臺之客撥蒙密兮窗開行欹斜兮徑窄捲
茶幌兮煙高下羅幃兮月白蟬有翳兮不驚雉無
羅兮自適惟餘流水去到人間何處紅塵能來紫
陌閒雲出岫遮半幅之空青絲雨弄晴溼一天之
淡碧溪邊雅集流觴吟逸少之詩樹底行杯漉酒
借淵明之幘十里垂楊積翠彷彿青山一盤螺髻
堆青還疑采石故其落葉半牀狂花滿屋綈帙牙

籤錦囊玉軸研露晨書燃藜宵讀五車三篋未足
誇張諸子百家咸歸蘊畜不求甚解堪嘲魯國之
儒雅好讀書每曬郝隆之腹風來水面翛然意味
之清月到天心蠲彼塵埃之俗待興酣而落筆勢
搖五嶽之雲因笑傲以成詩吟動三湘之淥誠堪
畱文彩於山川寧僅仰風徽於巴蜀彼夫庭少靈
芝寂寞羅含之宅階生秋草飄零宋玉之居問庾
信之小園空餘感喟訪劉郎之陋室已屬坵墟何
若茲山之崔巍天際挺峙清虛山色依然藤絡將

頽之石水聲如故波翻戲沫之魚並豫章之古蹟
擅勝概如史書也哉歌曰青蓮居士騎鸞去石室
橫烟自昏曙白兆山頭笛一聲落盡梅花不知處

心遊萬仞賦

以操斧伐柯取則不遠爲韻

伊維百體之君本屬靈瑩之府既空洞而莫知豈
深藏而有主虛明一片綜萬象以中涵朗徹千尋
悉八紘而遠睹恢之彌廣能課有以責無按之愈
深每含今而茹古包羅往事無煩張說之珠雕琢
奇辭不假吳剛之斧爾乃鋪素練染霜毫精驚八
極氣壓三曹遊神思而無定自領悟之不勞運一
心以營造豈有術之能操淨埽靈臺何處一絲之
挂馳神奧府直同萬仞之高故其斲天根探月窟

言若泉流思如風發窺宮牆之美富宛厯尼山問
星宿於河源無勞寶筏窮幽極奧開混沌而闢洪
濛鬪怪驚奇摘星辰而描風月深思宛轉蟻穿九
曲之珠健筆飛騰霜起三秋之鵲自堪盡相以窮
形還期髓洗而毛伐然後麗以詞藻發爲詩歌索
苦鉤玄絕岸孤峰之品披華啓秀珊瑚碧樹之柯
盤硬筆以橫飛行間光怪蘸渴毫而突起紙上騰
那豪士酒酣舞秋風之落葉雅人深致彈夜月之
雲和若夫瞻同夙構技擅禰衡敏訝神工才推袁

虎漢廷枚乘興懷廣陵之濤高閣書生自極衡陽
之浦八叉而就堆煙霧於縹緗七步能吟落珠玉
於咳吐莫不爐薰未息忽驚風雨之來鉢響猶留
已見蛟螭之舞然而三都待鍊稿乍削以還焚况
乎兩賦當研毫乍含而每腐卽謂敏捷之爲工究
非式法之是取至於漫語空明高言解脫塵鞅莫
羈卑靡難域槁枯自任初不識夫靈通明鏡非臺
竟常疎其拂拭雖寂寥而無他亦難引爲取則是
惟經籍以發其華義理以培其本思無窒而不通

功有益而無損包元精之炯灼犀亦稱靈廣徑寸
之搜羅道不在遠從此生花筆底胥濬發於巧心
何須擁被呻吟始光昭於藝苑乃謏曰天君浩蕩
兮無涯思致幽深兮難鬱期積理以會神兮毋託
爾思於豈不

鶯囀上林賦

以題爲韻

三春轉律百鳥調聲鳩多喚雨鵲喜啼晴燕語呢
喃拂銀塘而水淺鷗鳴容與掠遠浦而魚驚雖弄
吭以巧語難比象夫新鶯爾其日麗秦宮烟開漢
殿花滿瑤階草鋪竹院幾番雨後初傳出谷之聲
數點風前莫辨歌喉之囀入柳陰而睨曉喚起新
眠穿珠箔以間關消來午倦圓吭乍弄隨斷續於
輕風柔舌時調亂琤琮之漏箭驚回蝶夢流清韻
以喈喈譜入簫韶舞落花之片片故其始也憑高

以度聲厯落而猶輕其繼也遷木以鳴語悠揚而
漸暢聆好音於樹杪如管如絃聽細雨於花叢時
卑時亢比鳳凰之獻瑞音節同和鬪鸚鵡之能言
清揚不讓遶建章而巧囀寧同息羽邱隅翔

御苑以調簧欲笑嚶鳴陌上況乎桃腮施粉柳線拖
金烟迷老樹雲藹長林當風光之和煦乃載弄其
清音傍瓊階以徐發同葵藿之傾忱看翠羽之離
披投梭若織訝鳴聲之宛轉隔葉難尋宜乎紅樹
歌童見稱於

上苑金衣公子表異夫凡禽也是以雙柑斗酒時招
安道之聽求友遷喬半入詩人之賦驚破遼西之
夢亦似含情傳名山海之經還能辟妒豈夫三更
枝上聲聲啼杜宇之魂四月山中處處喚提壺之
具所能擬此皇州春滿聞
禁苑之嚙啖溫樹枝安沐
天家之雨露者哉

菊花賦

涼秋已至園菊飛英殿羣芳而舒萼隨九日以敷
榮縹緗葳蕤耀寒光於三徑青柯蓊鬱標正色於
千莖爾乃栽傍山籬開依煙幕圓秀煌煌寒葩或
或期一林之修竹勁節凌秋繼八月之天香奇芬
絕俗如當雨後洗碧玉之重重倘遇風來碎黃金
之簇簇若其能高晚節獨占秋光旣舒花於老圃
亦畱賞於玉堂未起二十四番之風早形佳麗曾
譜七十一種之品各擅芬芳或挹曉露而霏霏花

連紫蒂或颺寒飈而豔豔幹蘊紅芒或映皓魄以
呈輝煙中嫩白或惹御袍以標異石畔嬌黃悉屬
園林之佳植洵爲擬議所難詳況夫蓮粉凋零柳
眉消瘦梧葉長飄蕉叢失茂亦何草而不立惟茲
花之獨秀長江山之價自挺芳華畱隱逸之名不
須銅鏤疎籬看處色絢雲霞磁盎移來葩攢錦繡
若遇良辰泛酒可禳舉室之災如教甘谷流泉自
益人生之壽於焉北海開樽相親冷豔西園集侶
共賞幽妍送酒人來花染衣裳之色落英餐罷香

飛玳瑁之筵稀浪蝶之翩翾一點芳心自重先寒
梅而絢爛幾枝瘦影誰憐宜范氏有幽人之號陶
潛著盈把之篇者也乃爲之歌曰一片清疎冷暮
煙三秋擢秀自年年金風拂處枝低亞玉露零時
色淨娟應笑鍾繇須待賜難期鄰女共登僊自知
雅意無人識不向人前脈脈傳

多文爲富賦

以學于古訓
乃有獲爲韻

考儒行之遺編知經生之績學當積几而盈牕每
探搜而商確碑題黃絹識妙義於蔡邕錢選青銅
玩清詞於張鷟乃有梁園文士魯國醇儒情深風
雅神往唐虞玉軸連雲人人抱荆山之璧牙籤壓
架家家握靈蛇之珠陳華林玄圃之奇文何必柳
編孫敬讀蓬觀蘭臺之祕字還同苙佩安于豈徒
杜預溫文惟稱左癖應似陸澄博洽雅號書廚爾
其八索九丘七畧四部縱橫充棟聚錦繡以成堆

卷軸盈箱落珠玉於欬吐不亞輔明之窟日就月
將堪方曹氏之倉稱先則古何至連篇累牘譏爲
賣書之傭應笑猗頓陶朱祇作守錢之虜是惟銳
志典墳畱心誥訓殫全力以研摩擅雄師於文陣
披來竹簡繡虎雕龍排去芸編金聲玉振擁百城
而南面樂何足云集三本於西堂心堪默印況夫
謝月宋風潘江陸海悉足生蓬華之輝壯圖書之
彩珊瑚裝於架上堪嗤王愷一株珠璣走於行間
不數石崇百琲笙簧乎六籍興實幽哉肴饌乎百

家心其啟乃今逢

聖天子偃武崇文磨光剔垢囊括古今左宜右有士衡
積玉招來翰墨之林安石碎金共入詩書之藪鯨
鏗春麗舞墨彩而成花玉佩瓊裾耀筆芒而射斗
名都學士承雅化於

明廷下邑儒生沐休風於我

后莫不席珍待聘握瑾瑜而蔚爲國華豈至雪案窮經
著太玄而覆於醬瓿彼夫役志泉刀馳情金帛求
壘斷以登利鎔銖之獲以視誦法皇墳矩式典籍

丹檢披吟之下字畫琳瑯青藜照讀之時聲如金石不且大相逕庭豈僅相懸咫尺也哉

摺奏

江寧布政使任內謝

恩賞墨刻摺子

奏爲恭領

恩賞墨刻叩謝

天恩事竊

臣

於四月十四日撫

臣

汪日章檄飭速赴通

州查抄叅革河南糧道孫長庚原籍家產二十日

在通辦理間督

臣

鐵保差弁恭賫

恩賞

御筆明慎用刑論墨刻一分到臣當卽恭設香案叩頭
祇領懽忻感激莫可名言敬惟好生育物天地之
宏功無逸勤民

祖

宗之家法我

皇上體元合撰繼

志傳

心省刑以期於無刑折獄必先於慎獄

著爲

御論

詳示臣僚以公勤端聽政之原以明慎擴涖官之用律
原一定比附而輕重何私情既萬殊推鞠而平反
貴當案無畱牘途方不惑於歧趨鑑埽游塵物自
不疲於屢照臣班隨疆吏分遠

清光猶以庸材幸叨

恩賜敢不銘心竭力率屬趨公小大之獄必以情矜而
勿喜羣言淆亂衷諸

聖得所依歸庶於仁育義正之時咸沐秋肅春溫之化

所有感激欣幸下忱敬謹繕摺叩謝

天恩伏乞

皇上

睿鑒謹

奏

奏爲恭謝

天恩事竊

臣

駐京堤塘官恭齋

恩賜

御製全史詩一函

臣

當卽恭設香案望

闕叩頭祇傾欽惟我

皇上法古敷言右文垂極觀

堯圖之手勒無黨無偏仰

軒鏡之心懸宜風宜雅總四千五百餘載年經月緯之

書成二百六十六首

雲縵星輝之詠因文見道法戒咸昭

出語爲經權衡不爽誠

作者之謂聖讀

詩竟若無書洵煥乎其有文

典學尤欽

卓識

臣

夙濡

邛治今奉

天章才非端木

聖人竟與言詩集哂浣花野老何堪稱史讀萬遍而書

萬本

九霄森奎壁之芒有一德而

執一中億載仰

唐虞之盛所有微臣歡忭欽感下忱謹繕摺恭謝

天恩伏乞

皇上

睿鑒

乾隆四十三年

詔普免天下錢糧具呈公謝

天恩

呈爲恭謝

天恩仰祈詳達事欽惟我

皇上道貫三才

恩涵九有省耕省斂勞

變輅於時巡

賜復賜租沛

秋水閣雜著

摺奏

恩綸於疊歲含哺鼓腹合萬國以騰歡鑿井耕田無一

夫之失所受介福於

王母正供既普免一週繩

祖武於

神孫

異典則宏敷奕世望

君如歲豐年知膏澤之多以食爲天

國本有苞桑之固乃當

慈馭上賓之日復體坤元載物之心

特渙王言薄霑大惠丁糧全免閭閻之藏富何窮行省

輪捐先後之邀

恩總一於薄賦輕徭之外

三錫頻加卽望

恩倖澤之心百思不到蒸蒸元氣遊

帝世者如春蕩蕩天門攀

慈雲而莫逮

孝能錫類不外阜財解愠之常善必歸

親此爲繼

志述事之大愚賤歡心之浹銜感至而彌切哀思

聖人孺慕之誠撫卹深而總推

遺愛蠲全蠲半難方

浩蕩之

恩餘一餘三不待耕耘之力從此倉箱粒粒皆分

天上之珠璣還看社飯年年總頌女中之

堯舜臣等幸生

盛代屢沐

殊施

恩流江漢之波長叨汪濊樂奏洞庭之野莫罄形容名
史冊者三百一君上既

超乎千古

不怙冒者四十二載惟曰至於

萬年因忘草野之微同效葵藿之頌所有感激下忱理

應合詞具呈伏乞俯賜轉詳代請

上達實爲德便謹呈

乾隆五十一年春

詔以楚北上年被旱歉收地方加
恩展賑借給籽種合詞具呈恭謝

欽惟我

皇上撰協乾元

德隆泰運

撫羣黎而在困澤本難名溥大利於無言

恩加靡已昨者荆湖偶歉上陳

匱宵旰之衷洎乎糶賑兼施下土愜盈寧之願乃以始

和之布復聞

渙汗之頒恐當青黃不接之時或有蒼赤多艱之慮金
錢

疊賜三旬飫飲夫天膏紆種先資萬姓藉開其地力歌
南風而告喜財阜虞絃勤東作以趨時春生楚域
江之永矣長流銀漢之

恩波天何言哉自霏茅檐之雨露從此
王省惟歲多黍多稌之

頻占因知

帝世如春省斂省畊之不事臣等葵衷感切榆社情殷
聽宣五鳳樓頭

九重恩湛想過三湘澤畔億兆歡騰合五十一載如一
朝至於萬年

聖德直參乎天地惟三百六旬有六日粵茲正月陽和
首浹於絃經所有感激下忱理合具呈恭謝云

乾隆五十三年湖北荊州一帶江水泛濫地方被淹蒙

恩賜卹給賑修城築隄有加無已奉有

恩旨循制同湖北之在京奉職者合詞具摺呈謝

呈爲恭謝

天恩仰祈轉

奏事乾隆五十三年七月 日奉

上諭云 全敘 欽此欽惟我

皇上堯仁廣運福

錫春臺

禹德覃敷禱延

壽宇日華雲爛

含萬物而化光海晏河清

撫五辰而作則近以荆南之要地實居楚北之上游波
接湖湘氣蒸雲夢水之就下在朝宗本江漢之常
城非不高何保障之隄塍之固責由疆吏

慈軫

楓宸仰惟條分縷析之

王言無非發政施仁之實事行行

丹詔籌及於百思不到之區

念念蒼生曲體夫上達未能之隱改民隄爲官築併

蠲力役之征計經費以歲修永保安瀾之慶餐來玉粒

分自倉曹

賜得金錢徧於葑屋爾田爾宅式看衽席之登已溺已

饑猶

厯肝膂之慮不使一夫之失所

恩寧濫而無遺毋俾支郡之向隅

惠有加而靡已

統五十三年如一日如天之福爲常繼五百萬兩而重
頒維楚之民何幸臣等身依日下頌聽田間枌榆之
膏雨均霑葵藿之迎陽彌切

天心覆幬直徧三湘七澤之中

帝力生成更在十雨五風之外崇墉屹屹偉重鎮之依

然江漢滔滔泛

恩波於不盡忘一隅之災沴爲

聖人氓臚億姓之歡忻上

萬歲壽所有感激下忱理應合詞具呈恭謝
天恩伏懇據情轉
奏實爲德便謹呈

代人公謝摺子

奏爲恭謝

天恩事欽惟我

皇上德則堯天仁周禹甸

深宮軫念

恩膏屢霑於閭閻

清蹕時巡

惠澤頻昭於

綸綍以山左爲必經之地而方春際始和之時未入疆

而

行慶先免徵科因所過而

賜租遞蠲正賦茲以

鑾輿暫駐

更勤

睿慮之周咨含哺鼓腹本無疾苦之可陳

錫福敷仁常覺痼癘之在抱在小民因災借種歸公原

樂輸將況

朝廷出帑賑飢還補仍資儲峙而乃重申

渙汗渥布

鴻慈十餘萬銀穀之正款全捐

恩深紫解二十一州縣之

仁風普扇春滿青齊寧於省斂省畊以外

錫福無疆雖並好風好雨之殊

惠施益徧以食爲天萬戶有可封之象捐金於谷九州

愜藏富之心臣等久樂

昇平近依日月

雨膏下逮霑濡直浹於千秋桑梓騰歡鼓舞率先於百

獸效華嵩而獻祝傾葵藿以摠忱爲此合詞繕摺

恭謝

天恩伏祈

聖鑒謹

奏

代人謝

恩賞鹿肉摺子

欽惟我

皇上勇由

天錫典法時巡合七萃以

行圖用三驅而肄武

仁開湯網銜芝自有伊尼雅誦周詩昭

德先歌鳴鹿

恩施下逮冠駝峯麟脯之珍仙品遙

頌帶松栢雲霞之氣

臣

政慙挾轂心切依

光屬車未奉夫清塵

異數驚叨於列辟沾膏飫馥素餐何補於遠謀
推食

分甘

天惠不忘於每飯聽八方之送喜瑞應成圖頌

萬壽之無疆凱旋勞士所有感激下忱

云

云

代陳簡亭制府謝

恩摺謹

奏爲恭謝

天恩事

月

日

臣賁摺差弁回恭捧

御筆見蝗歎墨刻一卷

頒賜到

臣

謹設香案叩頭祇領仰

天文之炳煥識

帝念之勤勞休戚則

心切斯民虛浮則

訓垂大吏蟲災未淨伊百職之多愆蠶食爲虞獨
一人之誌咎

至誠昭格仍書大有之年義蘊引伸更
著食民之誠是彝是訓惟

皇極之敷言無怠無荒實蒼生所託命

臣

恭承

奎藻如觀

天顏紬繹雖至於再三補報真慙於萬一除惡莫如盡
豈惟螟螣之宜鋤修辭立其誠敢或浮夸之妄贊
所有悚惕感激微忱謹繕摺恭謝

天恩伏乞

皇上

睿鑒謹

奏

代秦芝軒中丞謝

奏爲恭謝

天恩事五月二十日賁摺差弁回署知臣胞姪繩曾中式本年進士引

見奉

旨以部屬用欽此臣感激榮幸謹望

闕廷泥首九叩恭謝

聖恩伏念臣家本經生世蒙

恩遇數木天之故事早年則繼武蓬瀛列玉筍之清班

有弟復依

光日月疊持旄鉞輕塵無補於崧高傳到泥金小草又
邀夫

雨露愛

兩朝之培養感莫能名登六部之曹司清而最要非
臣意

及獲此

隆施
臣惟有寄信
臣弟訓策
臣姪努力奉公小心行走

戴高履厚毋虛

大造之

恩慈浹髓淪肌各盡寸長於職守所有臣感激微忱云

孫男方

坪小岩
培祿川校字
坪季平

示

代某明府觀風告示

天開璧府神州叶五緯之祥地應箕躔畿縣據九河之
會望蓬萊之紫氣人盡仙才分析木之清華臣多國寶
青簾白舫尋詩來丁字沽頭北雁西風懷古過呂彭城
下釣臺雲擁士氣能豪瀛海瀾廻文濤最壯三台鼎鉉
每多紫闕之臯夔七葉金貂不數烏衣之王謝剖璞則
家家皆玉甲第高占隨風而一一成珠元燈自朗英賢
彪炳昔本名區文采紛爛今尤淵藪况逢

聖代又接郊畿

文思超百世之王儒林恩湛

仁壽啓萬年之運學府歡騰延閣琳瑯萃甲乙丙丁之
部辟雍鐘鼓會冠裳韋布之儒居依

天子之光舉頭日近生際太平之盛拜手風陳譬之德
洽周南歌詠必先於江漢若果羣空冀北聲華自貴夫
驂驪某政拙心勞學蕪識淺來從澧水佩是秋蘭守試
香河愛慚冬日菁莪化遠曾聽百里之風謠文字緣深
自哂三生之結習昨以量移而至欣符事友之懷雖鞅

掌於風塵願虛心於月試如匡劉如鼂董固湛深經術
之才爲東馬爲鄒枚亦騷雅文章之士清真雅正研道
脈於經畬月露風雲賦閒情於香草爰詹吉日佇集羣
賢各抒絕妙之辭用作周行之示班香宋豔清迎南閣
之風蘇海韓潮氣振北津之響某虛衷以待有美必收
過霜臯而相鶴非曰能之培風力以搏鵬固所願也敢
謂文翁教士依然西蜀之儒官庶幾武城得人不負北
方之學者欣余拭目毋爾遐心

啓

旌表貞節姜母胡太孺人徵詩啓

蓋聞詩歌喬木化先江漢之間史著懷清義激風霜之
氣竹種黃岡之地節必凌空江流雪水之波清真徹底
鑄諸瓊玖實

熙朝風教之隆譜入歌謠乃鄉國人倫之表恭惟

旌表貞節姜母胡太孺人者某翁先生之淑配而德隱
年學長兄之祖母也幼而玉穎長更蘭馨洎鳳卜之克
諧遂鹿車之共挽奉祖則年垂八十洗手調羹相夫則

志越尋常鳴雞戒旦問天何意西北偏傾搶地無辭肝
腸欲絕堂上乃泣而致語尙思鮐背之衰膝前況祧有
可承莫委熊丸之苦屬小郎於新婦大廈全支繩祖武
於曾孫千鈞一綫斯時也口銜石闕灑鵲血而全枯心
轉車輪疊羊腸而九折耕問奴而織問婢門闌肅若朝
廷外勞力而內勞心晨夕難聞語笑高明鬼瞰大有弧
張波浪山排屹維柱砥盲風怪雨音曉毀室之鴟白日
青天牙折穿墉之鼠畫文章於荻下羽翼翩然安窰窰
於山中松楸鬱若至其春紅碎雹秋綠凋霜猿啼峽而

增哀鶴遺雛而待哺相依爲命劇憐命伯之生適觀厥
成果食于公之報殫恩勤兮兩世五尺孤全知含笑者
九原三生責謝甘回苦後蔗以漸而彌佳春轉冬餘松
厯寒而益茂抑有聞焉尤其異者彼夫牽蘿補屋黽勉
爲勞薪桂蘇蘭服勤斯畢伊古北宮之女敢繩高義於
青衣卽通鄭氏之詩寧詠柏舟於白首而乃終身不字
冰近玉而能堅竭力忘勞蓬傍麻而自直固貞風之濡
染已典冊所希聞至於繡闥狸奴雕梁語燕雖豚魚之
可信究禽獸其何知而乃春社年年孤栖不卵花陰日

日長守閑眠等鄭門交乳之奇方衛女孤巢之異詎無
故而然耶蓋所感者神耳所以鈴轅問俗某中丞入告
楓宸竹帛流芳胡侍御大書邑誌烏頭棹楔清爲百世
之師

鳳誥泥金恩佇

九重之錫某西清侍直偶來赤壁峯頭東觀論書歸向
紅雲闕下升堂生敬深知鍾郝之風點筆無文所望鄒
枚之手握湘東之玉管品重人間書河北之花箋香生
字裏代疏短引敢云風採輶軒倘錫鴻詞行且鏤諸玉

版謹啓

水月閣謹啓

三

序

陝西張母馬孺人 旌表節孝

水流隴坂大都嗚咽之聲玉種藍田

瑤池之古雪高臺雅號懷清聳石闕之長松危岫亦名
義谷靡靡貞操自昔而然落落高風於今匪易時則炎
景方長綺疏乍展簾前之山色如迎檻外之花光欲笑
鴛鴦結夢波紋隨彩羽而分鸚鵡傳言有客款柴扉而
至未通半刺先示一編戛玉敲金劉義慶賢媛之記翦
紅刻翠潘安仁寡婦之文義必取乎闡揚言未聞乎出

閩具茲衆美尤藉片言謂先生試序其端予小子請詳
其概張母馬太孺人糸出名家幼嫻內則不誇柳絮梅
無點額之妝及賦桃夭蓮有苦心之酌作羹洗手幸爰
日於二尊舉案齊眉僅填河之一度蓋却扇分杯之後
卽摧蘭碎玉之期嗚乎蔡中郎故自無男任子咸何曾
有女鳳吹簫而先去遑計將雛燕繫縷而偏棲空傳續
命神消紫府淚灑青天膝前之黃口何存堂上之白頭
尙在孺人凜於大義死與生俱衷諸至情孝由節著蒸
梨必熟菽水猶歡清溫伸烏烏之私似續作螟蛉之計

芳蘭繞砌初疑謝氏之庭孝笋圍堦便染湘妃之淚嗟
乎舌乾口燥悲來日之大難地老天荒嘆我躬兮不閱
是以南都金粉時畫愁蛾北地胭脂偏描笑靨三秋月
朗非無竊藥之奔七夕星移豈對空機以別心旣深乎
愛女徒感兒亡情何事以關卿頓呼郎覺乃孺人膠難
煮鳳燈不燃魚花已謝夫恒春藥自憐其獨活勤虛育
予雖伯道之無兒愛甚含飴幸茂先之有種剪刀頻放
聲冷香闌石硯相傳光生藜閣心直通乎北闕帑賜朱
提翼待振於西風袍迎青草回思往事三生畱待補之

天差喜目前百折歷多歧之路死者生而生不媿安其
節而節可貞斯爲設悅之奇男奚數持門之健婦與僕
也勉爲揚激素有同心証以傳聞絕無異說用疏短引
並顯幽光管雖列乎金銀形自慚夫珠玉爲問千年碧
海精衛能填如過二月春山啼鵲共和

陳母成太夫人七十壽序

代

蓋聞汝爲汝翼書重股肱而熾而昌詩歌壽母愛趙衰
之冬日尤戀春暉蔭召伯之甘棠難忘寸草然而玉簫
金管曲是人間雪藕冰桃談虛天外播徽音於洛下大
都剡薦之賓揚懿範於家庭不外埽門之客薑芽錦麗
過星渚而非工琥珀尊濃泛天漿而遜美卽有馮親入
舍荀母從官洛濱誇富貴之榮內殿輟葡萄之賜寶冠
焜耀深恩或錫以千金玉座褒揚老福則惟聞二字數
遭逢於往古得此誠難誌

異數於

昌時於斯惟盛陳母成太夫人者大學士文肅公之淑
配而大中丞昆季之賢母也七德含章四星朗耀謝庭
咏絮清才早已工詩唐舉觀人綺歲知其必貴當鵲橋
之駕月正鵬翼之培風龜勉以問有無造次而遵禮法
作羹洗手曲承鶴髮之歡舉案齊眉不作牛衣之感桑
條帝女蘭熟三春機織天孫燈明五夜隱之營嫁無煩
謝石移廚韋逞傳經總屬文宣設帳洎乎魚軒贊政象
服垂儀引旄節而導雙旌厯吳閭而移百粵內操綱紀

外慰賢勞澗藻溪蘩肅明禋于夙夜府金倉粟頒親故
於頻年賑荒施例外之仁捐先赤仄掩骼聽道旁之頌
春滿青齊加以貴不忘勤慈能逮下論成勞逸玉璫飾
夫搔頭性得中和羹或憐其熱手固應起居八座狄衣
配使相之尊始徵風化二南鵲巢爲夫人之德至於藍
田玉秀赤水珠圓龍次第以躍天衢鳳聯翩而翔雲路
黑頭專閫正仲華拜衮之時黃閣雙開卽崔郾鳴珂之
里蓋我大中丞鄂城持節兼總制者七年時則觀察公
農部移官厯輶車者兩省鵷班妙選叔子固不媿蜂腰

驥足長才少公亦蜚英龍尾一門兄弟笏且盈牀四代
孫曾蘭真繞砌奉板輿而侍燕井挹丹砂舞萊綵以怡
歡堂開畫錦平反必問撥雲霧而秋水同清疾苦周知
勵冰霜而春風共扇慈雲永被培元氣於金甌卿月長
懸勒勲銘於玉柱仁心仁政式是南邦公望公才仰如
北斗故大中丞之述職也

九重動色

垂詢則前席頻仍

三殿承恩

賜食則中官稠疊憂紆南國仰分

宵旰之心

澤下丹霄首出臣鄰之右龍香墨涇福自天來鹿尾齕
新恩眞日至春回柏酒侍

曲讌以連朝綵疊荷囊煥宮霞而五色乃以萱闡之七
秩欣聞

寵命之重申

宸翰親書瓌珍

特錫三山瑞日捧

奎藻於雲中八景琅函降璇題於天上瓊枝照耀吉傳
如意之祥金粟莊嚴慶比無量之壽青鼠白狐之暖貴
遜豐貂天吳紫鳳之華光流文綺織成錦段裁翟茀而
逾榮繡度金針配珎璜而更麗捧出

儀鸞殿外欣生蓉闕千官迎從黃鵠磯頭時及新春二
月桃花寶馬霏一路之天香楊柳青旗藹滿城之瑞色
黃封啓處昭回雲漢之間

紫詰宣來鼓舞蘭垓之下太夫人福緣德致感共
恩深謂將黼黻

昇平必克家乃稱報

國惟更率先勤慎庶此日不異當年蓋求忠臣貴於孝
子之門而惟

聖主有得賢臣之頌將見絲綸繫望瞻世業於中台還
看翼軫騰華合榮光於寶婺誠如

聖諭身其康強子孫其逢吉如月之恒瞻望母兮九十
曰髦百歲曰期頤後天而老某等入山公之啓事夙荷
甄陶趨羊傳之鈴轅欣聞閭閻人非房杜敢邀公輔之
評詞愧鄒枚竊附湘東之管望

玉皇之香案咫尺

天威過金母之瑤池、蔥蘢仙氣一辭莫贊、心懾乎卿雲、
瑞靄之光四野、爭傳耳熟、夫白叟黃童之語採柯亭而
得、棗不須瓜進安期、注天酒以升堂、早應星占太史、試
聽梅花玉笛、招樓中駕鶴之賓、請從明歲華筵、嘗舊日
調羹之鼎

羅太守旭莊前輩六十壽序

名暹春江西吉水人
壬戌進士歷官編修

官贊政御史以劾大臣降刑
部主事轉郎中出守德安

皇風遐暢仁壽咸躋卿月具瞻升恒共慶蓋轉作人之
雅化嶽降中朝而極戴德之輿情籌添比屋甘棠蔽芾
濃陰周千里而遙冰鏡澄瑩朗照歷六年之久鴻文錦
麗上賓旣疊進夫霞觴晝寢香凝下走乃備陳其實錄
旭莊先生家世簪纓人倫模楷楊梅捷對馳妙譽於髫
年蘭蕙薰心飲香名於老宿文瀾浩瀚潯陽之秋水滔
滔詩態春容廬阜之晴雲藹藹羣能空北翼遂圖南鄧

仲華拜袞之年官居第一陸敬輿在朝之望學本無雙
通天地人者爲儒折盡儒生之角兼才學識而爲史犁
然賢聖之心

采殿花明講幄侍

九重之貴

彤廷日麗宏文歷三館之編領仙侶於瀛洲班聯玉笋
使星輶於海嶠網集珊瑚迴翔厯禁近之榮遷轉總神
仙之地太守曾充講官知起居既而烏臺改秩比部
注教習庶常典試東粵移曹竹必彈蕉簡生霜而自白鵲還巢樹筆耀燭以流

丹一時表蹇諤之稱萬姓著平反之號計當通籍以迄
改官遍登臺閣之間非清卽要大有經綸之著隨事見
功文章報

國者垂三十年特眷在

君者逾什伯輩

太守劾制府某部議革職特旨以主事用

汲仲孺立朝最

直復臥理於淮揚黃次公斷獄稱平乃褰帷於潁地此
所以一麾出守珠垣移列宿之輝而五馬前驅南國普
福星之照也顧安州之古郡爲江漢之上游毗連楚豫
之交包絡郢襄之會山田錯繡上農之成賦無聞澤國

棲苴下邑之蓋藏最少蒸蒸俊士教待文翁攘攘疲氓
撫須龔遂先生清慎而勤先勞無倦禁有司之苛耗月
照茅檐禱上帝之甘霖雨隨飛蓋遇老人而問疾苦赦
小肯以開自新接下如家人父子之情布政以安靜和
平爲首亭開向日揚玉殿之恩暉壇築龍頭屹金城之
保障遂使山居谷汲咸知司馬之名心版口碑莫罄神
君之頌此其可紀者一也若夫宏獎風流品題月旦泮
宮式煥池披芹藻之香使院重新地重榷楠之選育英
才於義塾魚到龍門擴膏火於寒牕桐畱鳳實齒芬不

惜項斯以小善成名課藝親披居易以工詩見賞是則
輪扶大雅願識荊州統接斯文望齊韓愈此其可紀者
二也他如廢典具興遐情遠暢金泉寺古源疏山石之
清太白樓高氣引雲霞以上求峒山之心構樂寄於民
讀藝圃之宏辭技通乎道烟雲點綴文成破壁而飛絃
管縱橫書罷不脛而走是則江山遙賀欣然白傅之情
魚鳥相親卓爾蘇公之致豈簿書之庸俗能仰蹈夫後
塵此其可紀者三也自此數端而外美不勝言聊從積
歲以來舉其大略固已交騰薦剡循良懋卓越之稱因

而直下

聖書勞勉

賜明光之召珮搖蒼水覲有喜之

天顏服裏黃羅拜

深恩於日下

太守大計卓異人
覲賜蟒袍表裏

御屏記注秩進張堪竹馬歡迎人看郭伋適值迴轅之
日慶逢周甲之辰傍階則蓂莢方收應律則葭灰已動
某花磚步影心儀先進之典型梓里蒙庥耳熟輿人之
歌誦爰以屬僚之授簡藉申頌德之微忱敢云柱史之

五千竊誌歐陽之六一紫雲湖外指佳氣以常浮白兆
山頭採桃花而不落從識漢廷蕭傳分魚爲輔相之基
請看今日彭錢斟雉協
天家之壽

劉鶴亭先生思可堂文稿序

文章之始端於五經集成於東魯若文言若繫辭卽經義之權輿也厥後註疏傳說衍爲經義至明則以之取士乃曰時文其間士大夫之儒術政績莫外焉王唐瞿薛始盛者也歸胡二錢盛之盛者也章羅陳黃揚其波者也而楚人言楚嘉魚庶於斯爲盛焉迨本朝定鼎文化超軼於往古越若

御纂四經

欽定三禮統紹唐虞曰文思曰文明何以加茲而取士

之法沿於前代以文章鳴盛者厥始熊劉蓋吾楚當天
下之衝貫江襟漢荆衡爲鎮洞庭雲夢爲藪山川雄潤
人生其間其氣浩然其言淵然由斯發爲文章以云載
道則昌明也以云與政通則博大也吾同年友鶴亭劉
君居於晴川仕於商水作牧正安臥理之暇孜孜以時
文自任其意蓋謂

聖天子化成天下自古未有而文章名世足以闡聖賢
之精義者其在斯乎將問諸世而郵以示余余嘗奉使
中州而中州父老傳其政也今繙閱其文章而本經據

傳克載道也其嘉魚與抑熊劉與鶴亭固將有以自信也

王竹崖時文序

自古人才之篤生必於

聖世稱盛者蓋不必位都卿相聲華爛然者爲然也卽一官一邑無負蒼生之望足以俎豆於其地而爲

國樹人復得偉器克膺天下之重鉅則其人豈遂朽焉昔王中子之教河汾房杜皆出其門固知名世之興非偶然也憶昔先君子涖崑之三年歲在丙子分校南闈得士最盛家穆堂侍御以詩鳴沈南耘廣文以文鳴而竹崖大尹則以政績卓著於臨晉者也其他表著於世

尚不能更僕數焉僕時髫髻未獲晉接諸君子後官京
師廼一一識之然後知穆堂之詩必宗少陵而南耘之
文自矜天崇若竹崖大尹則志在斯民日保赤之未遑
是不欲以著作見者也及晤卜崖王給諫廼稱其師時
課士於條山桑泉之間殷殷文化孜孜不倦者六年每
一試士必有程文或本經以示則或援史以立議傳注
所未備者旁引子集以證之心思所觸發者體章句以
明之蓋先生生文翁之鄉殆欲以文翁之化化臨晉也
僕聞卜崖之言如此厯今數十年如昨日也茲歲庚申

竹崖仲子習庵攜荆健仲中丞所訂文稿來金陵出示
於郡舍當案牘之暇一一誦之而知卜厓之言不吾欺
也雖竹崖之仕未及顯榮而得士如中丞佐我
聖朝臯夔曷遜焉僕之先君子取友必端亦可信矣所
期者能讀父書習菴勉之哉

代劉可亭同年壽某公序

夫至當之謂德百順之謂福德者得也不越庸言庸行之間福者備也自兼百祿百壽之總是以元方未仕太邱之譽先馳定國繼興東海之門必大況如某之與寅翁者製錦藉同功之蘭烹鮮恃佐饗之人彈琴相和土風操本南音戴星以行壽耀輝臨丙位則夫慶龍光之燕譽衍魚藻之鴻庥抽虎僕而進墨卿添鶴算而祈黃耆能毋歌淮王之桂樹香送椿庭寫仲御之風流光生日下也乎恭惟 者邦國人倫鄉閭冠冕弱不好弄長

益知名丹黃不絕於蒲編青紫羣期於芥拾江之永矣
漢之廣澄量千陂沅有芷兮澧有蘭香心一片當其陔
蘭晚茂寸草畱暉服勞旣綜夫勤能養志遂弛於進取
惠風三逕璧月一庭花益壽而長春草忘憂而解笑色
仍孺子舞處衣斑語及侍人浣將裙潔四經分授謝安
常自教兒七葉俱興蘇瓌羣知有子此則先生施於有
政而宗黨之人無間言者也若夫見義必爲發言有中
季布一諾氣蓋賢豪文子三思行成坊表援手急拯人
之舉斷絲見理劇之才證岑鼎於展禽誓要言於虞寄

悅而服也爰以重之昨者壬戌之秋偶以毀饑見告先生解推不惜拯恤多方仁粟貸於監河義漿分諸行路麥舟共藉火待舉而烟生罄室長懸逋畢捐而券棄是又餘光四照無煩鑿壁以偷禮食羣哺不作嗟來之感者矣爰廼衣冠濟濟子孫繩繩寅翁則百里分符名騰仇覽餘子則五龍下食象應荀慈雲擁蓬萊

紫誥綯丹霄之采春回甲第

鸞書賁鳩杖之榮先生松質不雕芝眉長秀餐十七物飲一經程宋風謝月都付談諧漢注唐箋猶勤繙錄籃

東坡全集卷三
與結社肯隨北至之鴻綺閣留賓正奏南飛之鶴斯時
也天開子月人壯丁年雪六出以瓊雕梅一枝而春逗
數方周之花甲至比川波慶攬揆之芳辰愛添冬日某
未獲登堂之拜夙聞陳義之高兕觥躋祝先率同官鳳
紙書辭深慙幼婦遙想七十二峰閣外羣仙共會中天
待看萬八千歲人來高唱更傳小海

·書運司業所褒題名冊後

國子監題名三冊運時帆先生所褒暇日舉以見示太學固人材淵藪祭酒司業又天下學人之師

國初如熊文端張文貞之相業王文簡葉文敏之詩漢陽熊公之文沈文恪公之書皆足以烜赫一世故其時六堂諸生類以人自得師爲幸近年來回翔其間者或十數年或四三年名公鉅卿尤極其盛非他曹雜流並進所得擬也予嘗考池北偶談較此頗有異同滿祭酒賈祿之前有阿都里漢祭酒薛所蘊下爲胡統虞高珩

李呈祥王崇簡李爽棠單若魯沙澄馮溥吳偉業張士
甄金鉉章雲鷺熊伯龍李中白李儀古綦汝楫陳鼓永
而單若魯熊伯龍則於此補任無傳維鱗也滿左司業
尹布之前有李虎沙傳達禮白清額右司業滿都戶之
前有蟒吉兔鄢代曹爾和漢司業首列薛所蘊其次爲
羅憲汝劉肇國呂纘祖李爽棠單若魯王熙曹本榮姜
元衡張永祺楊永寧陳鼓永田種玉馬晉元張貞生陳
壯履諸人而此本所載馮杰曹溶楊義田逢吉陳洪明
五人皆無之彭孫適之後彭定求董閻徐倬秦游吳涵

與此本序次亦異王西樵考功年譜有泗州施匪莪名
端教者官司成時同倡和其時爲康熙十年而池北偶
談及此本皆不載殆後來未之詳耶至洪洞作銅遂寧
作遂宣籍貫科第之闕尤屬疎繆時帆先生官司業立
身訓士以實不以名博考而釐正之補刊諸石亦典故
之大者余故備書於此

李廉衣師嘉樹山房集序

嘉慶七年春座主廉衣先生嘉樹山房集刻既成伯子栗夫司馬寄兆椿檢校之兆椿受而讀焉敬卒業因復於栗夫曰弟子之於先生有訓焉終其身服膺之弗敢忘其著爲詩歌文章廣揚朝廷傳播天下則凡有耳目者共睹聞焉非待門人小子稱述而尊頌之也然登泰岱者或極其高或窮其奧或得半而輒止雖各得其所見之一端而樵夫牧豎周流天門日觀之間厯有年所則引而詢泰山之勝賢士大夫莫樵牧若者其習久則

所見真也兆椿出先生門下三十三年矣先生早侍講幄再躋再起以文學受

知遇出督學政入司衡校恒以育英才拔國士爲

國家急然官不登三品壽不越七十教澤洽於庠序而政化未布於蒼黎徒本此通經致用之實流露於語言文字之間詞潔而義宏氣充而理達嚴重典實肅然穆然舉世所尙掇緝隱僻以矜奇梳櫛字句以鳴古標榜附和求末遺本而無益於用者不足以當先生之一盼是則先生之詩之文固有德者之言易所云修辭立其

誠者而非庸儒俗士之所克幾及也。兆椿年少時幸奉先生教人事。悠忽無所成就。老與栗夫同官江南。又未能推先生經術之醇。以達於政事。俯仰門牆。顏有慙焉。然不敢脂韋。泆謏媚人。以求合剝民以肥己區區之心。則自承教於先生。始世之讀斯集者。其毋河漢斯言也夫。

謝修堂詩文集序

八閩負山臨海南徼之大都會也其文采彪炳開自唐時而宋之道學儒林尤爲極盛

本朝安溪李文貞公漳浦蔡聞之先生前後輝映爲時名臣其淹滯下位與優游山林績學自立足以名世而垂久遠者殆不可勝數若謝子修堂其一也修堂與余同舉庚寅鄉試楚閩間阻各不相知乾隆辛丑余分校禮闈披修堂卷粹然儒者之言異而薦諸主司未得售揭曉後來謁不以見遺爲憾久之應大挑爲校官閱三

十餘年來都門作選人而松江之下砂場大使缺出例應揀補遂由知縣借補以去爰出其所作春草齋詩古文及制藝就正於余且曰某之欲試爲令非以求榮或以草野疾苦數十年閱歷而知者於守土盡此心焉今旣改此官則與初心不相侔而數十年估畢之餘非敢謂其工而一生之性情所託將藉閒曹以竟其業先生試一覽之其謂有合於古否也余受而誦之其音和其意正不懶祭以炫長不勦說以循迹油然而使人忠孝之心生而模山範水之篇亦能得濂溪吟風弄月之妙是

可以覘修堂之所養而惜不得展其學道愛人之素蘊也雖然余通籍垂四十年一無所成就而修堂名山不朽之業進而不已則夫仕學兩端果孰優而孰絀耶修堂行矣吳之松江越之武林皆余夙昔宦遊地也咸稱文人學士淵藪公餘退食必有與修堂刻燭而聯吟者他日相示余雖老拙尙能爲修堂序之

李立夫先生賜蕤堂詩初稿序

賜蕤堂詩上下二卷吾邑李立夫先生所著也先生與先大夫肖野府君生同甲子少同學長同官於江南先後解組歸朝夕過從無虛日至復起來京師亦同居邑邸而先生赴直隸四川以後則不復相聞矣先生天才秀挺其於詩含風茹雅吐棄凡近風骨適然不雕琢而妍不堆垛而富空所附麗侃侃自將一往情深低徊不盡有塵坌人厯劫不到之境蓋元遺山所云乾坤清氣者得之爲全矣予十七八歲時以所作詩就正先生手

爲點定獎掖甚至洎庚寅計偕隨先生聯車北上途中
亦有倡和後與先生仲子雲樵職方同居得就雲樵手
抄者錄而藏之篋衍以誌嚮往雖非先生之全而一滴
永知大海味固可以窺先生天才學力之兼到也抑余
聞之尹文端相國總督兩江稱先生爲賢員第一然則
先生之可傳獨詩也哉

海州志序

古者國有史而無志志之作昉於漢山經禹貢其權輿也海州在漢爲東海郡幅員爲廣歷代以來分合沿革變易不常所轄亦漸狹至今日而言海州固非向者爭戰鋒鏑之區也夫沐浴

至化幾二百年而不能備紀

盛世之隆修補簡編之闕以垂世而經遠則司牧者其何辭以謝吾友唐陶山長沙名進士也博雅多識有良史才作令於吳源本經術文采彪炳民和而政平擢牧

海州優柔漸摩人心咸悅濬甲子河以通水利作石室
書院以振文教初不糜公家一絲半粟之費而下從其
令百廢具興暇日閱州志其言古者簡陋而不詳言今
者闕漏而未續爰合一州兩邑之士大夫謀之翕然同
心椽筆獨秉采風俗蒐遺逸綜典故削附和誕慢之詞
俾不登理紛糾龐雜之端使必貫立表以明始末作考
以核是非體大思精詞周事舉不一載而志成規鑑旣
設繩墨可循淵乎著作之林也余於乾隆乙卯歲移守
江甯求府志則自康熙中歲以來未有續修者欲從事

焉而僕僕不遑至今惡之蓋著述之材上下議論不難
於考究而於時地設措之方未必其盡合惟司牧者心
繹而手布之若者宜寬若者宜猛若者立言雖善而事
不可行若者創法未周而隙猶可補如老農然課其桑
稍如主婦然數厥米鹽則其書始非苟作而又有學識
以律之麟麟炳炳淹雅宏通斯則陶山海州之志尤爲
不可及也刻旣竣陶山以示余會余奉
命內召因書數言以歸之以誌予愧噫嘻予之有愧於
江南有愧於陶山者宜獨一志爲然耶

屠健菴先生五經匯纂序

屠丈華亭解組歸自黔中以文史自娛嘉慶丙寅來遊
武林時予移藩江寧遂下榻於署西瞻園之近光軒暇
日出其尊人健庵先生手輯五經匯纂以相示朱墨相
間每於經文訓詁及指歸之所在采擇前言標明而旁
註之惟古是式不蔓不支簡而明切而當蓋初學者津
逮之權輿也予於經學旣蒙未有知而三十餘年來從
事簿書中外驅馳益復荒落憶少時過潯川晤健庵先
生年已六十餘衣冠儼然和氣粹容疊疊言經史不倦

此編之簡策者卽當日口講手畫之餘也學者由此而精之開關啓鑰追溯孔鄭杜賈之深則先生發蹤指示之功爲不淺矣華亭旣刻此書以惠藝林余亦奉召入佐司寇於其別也因識其緣起如此

傳

左臨川傳

先生諱梅字羹五湖北雲夢縣人少攻苦工制舉業弱冠補庠生試輒冠其曹性嚴正慷慨任事雍正乙卯以副榜貢太學教習正紅旗諸生期滿除儒官需次畱輦下公卿爭延請爲弟子師朝賢讌集或雜坐諧笑聞左先生來咸共肅然終宴無謹譁今數十年矣逮識先生者口語及之猶拱手莊誦弗置也雲夢在都城舊有會館人以頽廢失其址先生醵千金爲室廬倡建於明教

寺之北事創費繁不期年而工畢成乾隆丁卯舉順天鄉試出諸城劉文正公之門授枝江縣學教諭爲條約訓迪諸生不能具脩脯者轉更資之建紫山義學修葺夫子廟又啟兩衙齋無纖芥私或規其清操已甚所然謝曰吾分也吾不愧吾心而已秩滿膺薦舉庚辰除知江西北上猶縣事甲申夏四月山水暴溢衝城郭邑居蕩然率縣民載板以濟棲山麓一日夜水去行泥淖中部署民人俾復其所乃發常平倉穀之未浸者如法糶借又按戶給官穀以賑及時修屋舍除田汙皆先發而後

請是歲仍大熟民不知災巡撫初聞災惻然及見文書
事宜歎曰令賢令賢從所請而以疏

聞量移知臨川縣臨川故繁劇邑往往案積陳牘又多
逋賦先生未嘗操切而民爭先輸納比三年獄訟亦減
始至三之二巳丑夏以疾乞歸扁舟還里襆被蕭然日
與里中耆舊相過從衣冠樸素見者無不禮法自飭唯
諾惟謹伯兄幼失明先生事之至恭能得其歡歸時白
首相對怡怡然終日也庚寅十一月飲故人家追暮歸
無疾而卒年七十配呂夫人先先生一年卒子高授太

學生高燮邑增生生平爲文僅千首第其可存者猶二百餘篇其已流播者坊刻或易名以行然讀者莫不知也詩古文二卷及他所著青島家言藏於家

論曰史稱汲黯慤直其事君也以嚴見憚然觀其矯制發粟上嘉其能行權以活民非忠節孚於其君者能如是耶及觀左先生上猶之事雖小大不同其獲上濟民何以殊焉夫風裁素峻宜若與世多违矣而人卒敬而信之然則謂耿介之士不行於時者非也先生官儒學校人紀其德於石令上猶課士有方猶人繪爲講學圖

而里人遊京師者思其遺德設栗主以祀於館雖設施未竟觀其所爲可謂端人矣

王都事傳

廬江候選訓導王君學毅踵門以其先都事竹崖公傳
爲請余曰嗚乎此先大夫乾隆丙子同考所得士也不
可以言之不文辭謹按狀君名正茂字時育號竹崖世
居廬江少聰穎年十一通五經大義十六應童子試冠
其曹督學使者復置第一旋補廩膳生歲科試輒冠一
庠乾隆癸酉年例拔諸生貢成均君旣爲當事所器時
望咸屬已就試再覆試卽獲雋矣而家人來郡以母有
疾告泣而馳歸不復終試其天性之篤有如此者父性

嚴毅有武生強占君家田父訟得直穉其矜某愧且憾伺擊於途不中而傷僕父復欲訴之君請毋訟父怒加誚讓訟益決君泣諫不得遂不食其妹白於父父曰謂若兄母自苦吾不復訟矣某聞之尋自悔焉丙子舉於鄉丁丑成進士釋褐知山西興縣下車甫三日邑豪有以五百金餽者却之不可則貯庫將聞於憲司豪懼持金去已而民訟之君核之嚴則故大爲患於鄉里者豪急遞去未幾調大同縣以憂歸服闋再至山西補陽城邑居太行王屋大山中事簡而民淳創立仰山書院招

諸生讀書其中稍暇輒爲講授執經問難環列左右忘其爲令長也戊子科鄉試閱諸生試卷決其必售者三人曰衛錦郭兆麒張錦榜發果如所言一邑歡然以爲神閱六年調臨晉縣會金川兩土司作亂

王師申討臨晉當孔道軍需旁午羽檄交馳貴臣重將之赴軍前者前後絡繹君歎曰民供役苦矣能減一分斯受一分之益爰取邑中各圖甲編戶分仁義禮智信而等差其徭役吏不能爲姦時五省大吏議添臺站派武弁專司軍報君請於大中丞鄂公寶曰臺站之設無

裨於事徒增民累州縣額設武弁甚暇可兼辦此各邑
添派家丁驛夫可供更替是在地方官認真不在多設
官以擾民也中丞是之衆不可中丞卒從君議已而有
以翫視軍機入奏者中丞具陳本末兵部覈復晉省獨
無貽悞事乃自由是益以君爲有定識也然君旣梗衆
議而上官之不樂君者每事輒阻抑之君屢求退中丞
不許遂援例得都察院都事以去歸里之年配曾安人
卒君閉門課子教授生徒著書爲文以自娛歲甲辰九
月以疾卒年五十有二長子學剛先君歿次學毅次學

木學訥近仁俱以讀書克世其家

贊曰語有之君子學道則愛人觀於竹崖君之作吏而益信也儒者高談經濟施於用而茫然無措矧當軍興倥傯際哉君廉而不刻威而不猛馭煩以簡教人以誠惟其學之有本乃充然可以自伸於進退之間君所得士若荆中丞道乾者清節爲一時名臣而君爲先大夫所識拔位不達而卓卓能有所豎立嗚乎此其不愧師門也歟

狀

靖萬安木齋行狀

君姓靖氏諱本誼字國儀號木齋湖北黃岡縣人世爲
邑著姓以文學科第著聞君伯祖名道謨舉博學鴻詞
康熙辛丑入翰林世所稱果園先生者也君年二十一
補邑庠生歲科試輒冠其曹乾隆乙酉以拔貢入都
廷試列高等庚寅舉順天鄉試第二人乙未捷南宮登
吳錫齡榜賜同進士出身大宗伯王文莊公際華奏擇
進土工書者在

武英殿黃籤處行走君與焉期滿議敘謁選得福建霞浦縣知縣引

見調江西樂安縣治樂安四年調任萬安以劾罷歸君風儀灑落善談笑溫溫孝友樸誠自將性好讀書寒燈一角呬唔終夜不以穎異間其功弗恤也工制舉業每下筆經史紛綸光采煜然名譽噪一時爲政以經術相緣飾悃悃無華不肯作能吏民信而安之亦以是不爲上官所喜故終不能安其位其在樂安也地貧瘠而俗刁悍以訐訟爲能君廉得其魁嚴梏之外臺吏鄧某恃

勢強佔人田構訟十餘年前政不能決君請於上官按
其罪歸田於民訟以衰止葺鰲峯書院捐俸爲養士資
公餘就課進諸生而教之手批口講娓娓不倦士皆樂
奉君爲師邑中二十餘年未舉乙科歲丙午始復有獲
雋者則君所首拔士也萬安居閩粵之衝水陸迎送無
虛日歲連荒歉險阻多盜君下車卽請平糶按地遠近
分三厰以便民全活無算勤於偵緝盜發輒獲甫一載
設施未竟護巡撫事某公特疏劾君所部有西洋人傳
教數年雖經拏獲究屬失察應罷免解組之日邑中民

走相送者扶攜老幼設酒食衣履不絕君揮手謝之奉
父母歸里橐無餘囊菽水承歡者四年己酉四月以疾
卒年五十有五娶汪氏生子二人崇昭崇弼庠生先君
十九年卒繼娶盧氏女四人孫男二人以某年月葬於
某山之原君從弟孝廉本詔以狀請於余爲之銘
銘曰事君不竟其用兮道則光也事親未竟其志兮遇
斯窮也惟子孫之昌兮惟善名之揚兮有以顯君之藏
也

祭文

祭同鄉 六皆封翁文

士之可修者德也不能必者時也當其名不出里閭身
不外茅茨陋彥方之懿範樹太邱之風規醞釀英華蕩
滌瑕疵伊無心於獲報豈天道之能窺至於後祿盛福
履綏國珍瓊寶鄉奉人師俯仰不愧左右咸宜則將以
三命爲肇錫以大耄爲始基以子孫繩繩者卜冠裳之
濟濟以天懷之浩浩者蹈境遇之熙熙而何居乎生兮
方榮沒也畱哀白雲飛空素月照帷耆英罷社有道書

碑伊予舍之同官莫不聞風悵惘咨嗟涕夷而何況乎
陽山之側漢水之湄且夫手能翻覆情多險巇毀方以
合鋪糟而漓待兎者株守亡羊者迷歧惟我封翁古道
可追固有請而必指舟載麥而全貽川待涉兮成梁歲
稍歉兮施糜樂善不倦樹德務滋備張仲之孝友采屈
子之江離則使施於有政立乎

形埤壘淳風於

皇路和民氣於軒義豈不尤斯人之盛事而爲物望所
同歸然而翁之初也嚅嚅道味涵泳聖涯跌宕文史名

譽鼎彝翁之季也疊承

紫誥光被銀緋天祿與共壽考維祺優游杖履圖畫眉
眉酒分觴咏茗門槍旗引南陽之菊水晒商山之紫芝
加以令子早達南宮是司香含粉署羽振雲遶砌擁玉
樹桐秀孫枝奉案則人來德耀紀年則歲近期頤雖溘
焉以觀化而名德之昭垂孰克加茲則夫陟岵者固恨
生風木而封翁之卓卓不朽者其可以釋然而無悲矣
某等梓桑誼切鴛鷺班隨堂欲登而天遠鶴赴弔而雲
遲望靈旗之漠漠悵江水之漪漪爰敬陳夫楚些載侑

莫以椒卮惟靈來格聽此哀詞尙饗

祭同鄉黔西州牧 公文

朝重循良里推碩德名以才升位同年嗇天道無知羣
倫孰式丹旄飛飛總帷寂寂易水風寒燕臺雪白以此
言哀哀將何極緬維堂構截嶭崇基玉生崑岫芝產銅
池曹才斗計樂鏡雲披阮畱青眼馬惟白眉翱翔藝圃
蹀躞天遠朗照流品卓爾風規政譜旣傳州符遂綰作
牧黔西蜚聲桂管虎去岩空珠來浦滿銅鼓花園梯田
泥輓廬井熙熙猺獞款款澤以春敷風將草偃鵬圖暫
息螻屈仍伸重來邊徼再奉

溫綸羊腸御叱驥足才珍不攜家累誕撫苗民顧我復
我風人兩人不詛而祝爲國寶臣昨者騰章特膺卓薦
閎闕是崇西南之冠名上中朝恩迴

宸眷明堂聿開宣室傳

見入光臺省出輔屏翰任匪異人曰惟邦彥何期歲暮
始稅征車風塵乍拂神觀非癯笑語啞啞來往于于蘆
簾紙閣凍酒寒苴鑪圍火活月上牕虛有時掌抵豈覺
言徐所最難忘疇昔之夜燈旣屢挑漏聞三下雄辨初
停衆賓各罷撒手歸來飄然而化塵海雲空緱山鶴駕

去者逍遙存者悲訝嗚乎哀哉張融無宅范叔多寒解
推不惜久要更難扶疎玉樹卓犖金昆中鮮慚德外泯
間言風流雖遠餘慶猶存式承令緒大啓于門嗚乎哀
哉昨公之來行行驄馬今公長歸索車道左七日晤談
片時證果落月蕭森靈旗上下感舊銘哀看碑淚墮謂
可抑情其無知者某等交投縞紵居切梓桑離悰未罄
計已在堂典型云遠風義難忘寒煙漠漠楚樹蒼蒼爰
陳楚些敬奠椒漿靈其來格鑒此馨香尙饗

碑記

重修覓渡橋碑記

昔南唐李氏造昇州之城最固及明洪武時拓其三面而大之獨西南因其故合以爲應天府城今之江寧府城是也城外引秦淮以爲池曲循西南而北入於江南城外跨池爲橋曰長干橋西南城外跨池爲橋曰覓渡橋舊志不言作橋之始推其形勢自南唐時蓋有之矣歲久半圯壞行者以爲懼自余未蒞江寧時郡民共出財修長干之橋迄余至而竣其工而覓渡未修也余方

籌之郡人寧波郡丞談君觀堯與其弟祖蕙聞余志爰以捐修請余爲聞於上官咸報可於是鳩工運石自嘉慶元年冬至二年夏凡十閱月糜白金一萬四千餘兩而營之完且固矣長干之橋以衆力就覓渡之橋以二人成此可謂富而不私勇於利人者已夫橋梁道路皆有司職也余官於此而因郡人之樂善不勞而坐見其成功者再誠有欣而愧焉又念自南唐以來八百年間豈無橋石圯敝而修營之事今始建之歲月尙疑不可決知況中間之修飭者乎文之無徵使爲民利者其名

弗傳可太息也余是以爲是記書而勒石以遺後世之
郡士大夫及官斯土者

天后宮碑記

海於天地之間爲物最鉅功用亦至宏然人之濱海而處者徒望洋以驚而山居陸棲城郭編戶之氓固不知海之所以爲海也至於泛萬里之船遊九州之外生死呼吸有感而通此非有神默司於渺冥不測之中維持而拯救之欲求安恬無患風濤失其險龍蜃失其恠歲往月來勤王會而利民人也道實無由粵稽厯代四海之神爵極王封祇載祀典而神之威靈顯佑助我國家赫然耳目者惟天后爲獨著蓋神肇於宋祀於元

明而加崇於

列聖

高宗純皇帝特封爲天后聖母碧霞元君於清江浦
勅建惠濟祠飾以黃瓦

親灑宸翰勒諸豐碑所以薦馨香而致誠恪者有加無

已

兆椿

前守江寧每春秋舉祀在城內三山門之天后

宮泊過儀鳳門有康熙二十二年于清端公所修之廟
舊址牆宇傾頽敗礎而外僅一山門惕然於心大懼無
以稱我

朝崇奉之意詢之道士云廟久燬於火官工所建民力
未能修而亦不敢修也兆椿因請於前兩江制府今大
學士費筠浦先生准其募修爲之倡始而其時士商之
好義者踴躍以興咸致其力經營圖度次第蒞工閱七
年而廟用成規模宏壯有嚴有翼視昔有加蓋臺灣之
開疆也百數十年番舶往返如在衽席而嘆咭喇之來
貢也實前古大西洋所不通之境至於琉球日本占城
暹羅荷蘭等環布海島者如拱環衛而列版圖惟神之
默相

熙朝庇祐羣生始擴無外之規以極域中之盛也兆椿始焉倡事今復奉

命承宣江寧而適觀厥成亦深幸初心之不負而樂與吾士民之蒙庥於神以安億萬年有道之長也因紀其緣起垂示方來方今有事於河而漕運爲尤急讀于清端碑記神之爲功於河與漕也已久先河後海實守土者之所請也神其鑒之哉至斯饋沐石之工緡錢之數捐輸者之姓名別勒於石茲不備書

修理蘇松糧道官署記

嘉慶八年予由河庫道奉

特旨調督蘇松糧儲九月至虞山蒞事升其堂梁棟東
欹岌岌欲墜前榮闕然是日適雨吏士鵠立衣冠淋漓
僅而成禮退入內署最後北樓五楹乃康熙甲辰王公
繙所建而劉公柏所修者傾頽更甚牆瓦無存蓋數柱
立荒蕪中其牆東小室數間牽連斜壓殆將覆焉蓋公
署之不修者幾十年矣夫設官分職最儆怠荒其雕牆
峻宇日事土木以窮靡麗之觀者非也視公署如傳舍

任其敝壞漠然無與於己者亦非也一身託庇耳目所
周猶不早爲之計以至於大壞而謂將曲體民情爲小
人飲食居處是謀俾無失所豈情也哉予因召吏胥會
計材用撤大堂而正之前增捲棚三間正觀瞻也重建
北樓五間增東西廂房各二間後繚以垣併牆東小室
七間亦爲新之材堅而工固其費白金共二千六百餘
兩請於大中丞汪稼門先生撥用充公閒款不足者余
捐俸八百四十餘金以成之且載於籍是役也始於八
年十一月竣於九年四月工皆私雇絲毫不以累民亦

不煩屬吏之同城署陞升三月余遷按察使將赴河南
因書其緣起以告後之君子不必求瘼之變而亦不可
惜小費以聽官舍之壞且由是思以推諸四府六州三
十二邑之民則不徒斯署之宜圖謀而究度也是爲記

讚

題陸朗夫中丞誓墓圖

名耀吳江人

先生之名泰山北斗先生之風冰雪瓊玖豈無貪人覲
顏掣肘拜表歸來曰維養母維

皇一心

特起林藪奉

詔皇然爰弼我

后觀此畫圖出處非偶我來同

朝在先生後警效未親儀型伊久敢忘步趨自忝所守

過章淮樹觀察書齋天香滿院坐客怡然余書額
顏之復爲作讚

樹作佛事遍施其香香果何在客乃讚揚蘊香爲華花
故在樹非送非迎於客何與坐者五人人各得香不增
不減淡焉坐忘莫顯乎微無隱乎爾我聞所聞如是如
是

武大令虛谷像贊

其神揚揚其貌樸窮年屹屹學不足將冷強項不可辱
名在身歿墓草宿吁嗟斯人武虛谷

跋

跋法時帆學士所藏 國初徐家談陸棻龐璉袁佑李鎧馮勗諸公崇效寺看梅詩冊

崇效寺二名棗花寺在都城西南隅白紙坊菜園四周荒僻特甚寺僧好事雜植丁香海棠十數本映帶竹樹花時款客往往不倦士大夫多聯騎往遊此

國初鴻博諸公寺中看梅所作文采風流想見一時之盛時帆學士過我出以相示煑茗雜誦冷香清興如在初地不覺此心飄然於銅坑銅井間矣冊中所載同集

者七人惟龍大理燮無詩殆有而逸之耶倘搜得是詩
補書於後亦藝苑佳話也學士深心風雅以余言爲何
如

跋祝開美先生絕命詞冊

先生名淵浙江海鹽人崇禎六年舉人會試上

疏明劉念臺先生宛罰倥一科歸順治乙酉六月杭州城破先生葬母竣事回家致祭自縊死附明史黃道周傳曰夜未央兮燈火微涼搖搖兮魄將離去兄弟兮父母依樂迫遙兮長歸不

先生始以孝廉上疏救劉念臺人終疑爲奸者乃卒以
孝廉殉明社忠義之憤猶天所獨厚哉今拜觀旌書絕

命詞以依父母爲心以得逍遙爲樂從容而義著一成
忠不形感憤激烈之氣書法於清和中見道勁絕
攘散漫態嗚呼先生是時年甫三十五而所養之粹
如此仁者安仁斯其所表暴哉

跋楊義山爲吳興傳金模書畫冊

墨竹以坡公與可爲最以其書卷在胸也然竹不讀書
自能遠俗何世之畫竹者多不能滌去塵氛耶義山此
冊清修卓立如其爲人試於其中具隻眼觀當有萬卷
積軸在

跋蔡伯海所藏陳恪勤公字後

陳恪勤公爲吾楚湘潭人清節惠政卓冠一時先後與于清端公張清恪公輝映江左而恪勤公之文采風流蕭然物外尤有于張二公所不能及者讀所著道榮堂集可以見其養之醇氣之渾非同岸然立異以求表見者其守江寧時與噶制軍忤畱京口最久惟以詩文筆墨自娛是以手迹在江南者爲多此幅乃金陵蔡伯海家藏祖遺者名臣之迹寶於名士之家而以余爲公鄉後進乞爲跋其緣起金寧江寧六年無一事可

塵今將移官於其裝也輒誌數言以誌景仰
伯海文字因緣也

跋張運臺家所藏荊客可協揆楷書奉

勅聯句詩卷

右協辦大學士莊有恭爲浙江巡撫時楷書侍

高宗純皇帝三巡浙江登烟雨樓奉

勅聯句詩一卷太子太傅臣錢陳羣續書恭和詩於別
紙河南布政使臣張鎮時守嘉興模勒於石而藏真本
於其家臣提刑浙江過都轉運使臣張映璣展卷敬觀

惟

純皇帝天章雲煥乃俯同疆吏頃刻之間聯吟成咏明
良喜起之盛實古今所未有蓋有恭文章經濟足副
主知乃獨荷千載之

榮遇映璣服官中外以清白稱克繼父風是以寶藏此
卷與天球河圖等實有忠孝之恩焉詎移官紅寧於其
行也敬識數語以志至幸

書滕澍蒼課孫圖後

時滕爲江
按察司司獄

梁文定公之尊號爲刑部司獄

文恭公

其恤囚盡職具聞於

世宗憲皇帝拔擢刑部

天之報施善人固不爽也

兩浙提刑幕官也久而又遷之所以施於

者殆可復見於此媿余在外臺甫六月卽遷金陵未能

同升諸公耳將啓行澍蒼以課孫圖見示爰綴數語於

後爲異日券

孫男方

增小岩
坪葆川

校字